


IUDICIVM
PHILIPPI ME-
LANTHONIS DE CONTROVERSIA
COENAE DOMINI



SCRIPTVM AD PRINCIPEM
quendam Electorem.

Cum necessarijs annotationibus, ijsdemq; veris
& pijs.



A N N O, 1560.

EDITION
PHILIPPI
AD CLOVIANUM
CLOVIA DOMINI
3
SCOTIENSIS AD TUNICINUM



030056561

ILLVSTRISSIMO PRINCIPI ET DOMINO &c. DOMI- NO CLEMENTISSIMO.

S. D.

ILLustriss. & clementiss. Princeps: Certissimum est legitima Imperia opus DEi esse clementer conseruantis honestam societatem generis humani. Ideo verum Deum, æternū Patrem Domini nostri Iesu Christi, creatorem generis humani, colligentem æternam Ecclesiam voce Euangeliij, toto pectore oro, ut Cel. vestræ confirmet vires animæ & corporis, & tribuat salutaria consilia, & fœlicem gubernationem. Gaudeo etiam Principem & Dominum patriæ meæ vocatum esse ad agnitionem filij Dei, & recte inuocare Deum, & fouere Ecclesiam Christi: Quem oro, vt vniuersam familiam Principum N. gubernet & protegat, nec sinat fieri barbaricam vastitatem in patria mea.

Literas Cel. vestræ reuerenter legi, & virum integrum Stephanum audiui: Ac mitto Cel. vestræ scriptam responcionem, ac maximè opto, vt teneræ Ecclesiæ vbiq; tranquillæ sint: Quam ad rem proderit, si non finent gubernatores defendi contrarias (A) sententias. Probo igitur consilium Cel. Vest. q; vtriq; parti silentium mandarit. Opto autem vt sapientum Principum consilio & authoritate, aliquando & ex

aliarū(B) gentium Ecclesijs & nostri s, piij & eruditī viri
conuocentur, vt de omnib. controuersijs deliberetur, &
vna consentiens(C) forma doctrinæ vera & perspicua,
sine omni ambiguitate posteritati tradatur. Interea
quantum fieri potest, moderatis(D) cōfilijs coniunctio-
nem nostrarum Ecclesiarum foueamus. Bene &
feliciter valeat Cel. V. Cal. Nouemb.

Anno 1559.

Celsitudinis vestræ

Seruus

Philippus Melanthon.

Scholia

S C H O L I A:

(A) CONTRARIAS sententias.) Pium consilium: Ut tranquillæ sint Eccl esiae, vigeat error: Taceat, aut profligetur etiam Christus.

(B) ALIARVM gentium Ecclesijs.) In quibus scit multos esse Cingianos.

(C) CONSENTIENS forma.) Hoc agitur scz., vt noua conscribatur forma conueniens omnibus, concinnans & inuoluens errores: Vetus forma, Confessio Augustana & articuli Schmalcaldici vel aboleantur, vel corrigantur, vel nouam accipient interpretationem. Ecquid placet noster Philippus?

(D) MODERATIS consilijs.) Secundum hominem, non secundum gloriam.

RESPONSIΟ.

NON difficile, sed periculosum (E) est respondere. Dicam tamen quæ nunc de controuersia illius loci (F) monere possum, & oro filium Dei, vt & consilia, & euentus (G) gubernet. Non dubium est de controuersia Cœnæ, ingentia certamina & bella (H) in toto orbe terrarum secura esse, quia mundus dat poenas idola-triæ, & aliorum peccatorum. Ideo petamus, vt filius Dei nos doceat & gubernet.

S C H O L I A:

(E) PERICVLOSVM) Net otum se prodar
esse Caluinianum.

(F) ILLIVS LOCI) De rei controuersia mul-
ta adhuc premit.

(G) CONSILIA ET EVENTVS) Consilium
quod sit, paulo post sequitur. Euentus est haec tenus,
q; Lutherani ministri sunt remoti, successerunt Calui-
niani. Quis gubernarit, piorum esto iudicium.

(H) BELLA.) Nostri non cogunt armis, nisi
Cingliani tale quid meditentur.

T E X T V S.

CVm autem voi q; multi sint infirmi & nondum in-
stituti, in doctrina Ecclesiæ, imò confirmati in erro-
rib. (I)necessaria initio habere rationem infirmorū.
Probo igitur consilium illustriss. Electoris, q; rixantib.
vtrinq; (K)mandauit silentium, ne distractio fiat in tene-
ra Ecclesia, & infirmi turbentur in illo loco & vicinia:
Et optarim rixatores in vtrāq; parte abesse. (L)

S C H O L I A:

(I) IN ERRORIBVS) Sic vocat etiam doctri-
nam Aug. Cōf. de Cœna: quā, quos mox perstringit pios
Doctores, ipsi doctrinā tacentur, aduersus Cinglianos.

(K) RIXANTIB. Vtrinq; mandaui.) Nouum
genus sapientiæ in Ecclesia Christi, vtrisq; mādere silen-
tium: Noui conatus, simul abigere cōstantes Doctores,
defensores veritatis, & magistratu compescere: Et erunt
si omnia noua, mox etiam Augustana Confessio noua.

Cæterum Ieremias & ipse audiebat : Vir rixarum & discordiarum, arguendo idolatriam & peccata populi. Nec patiebatur vero silentium sibi imponi, quod idem et Apostoli fecerunt.

(L) ABESSE) Agnoscet Heshus, tuum persecutorem.

TEXTVS.

Secundo remotis contentiosis, prodest reliquos de una **(M)** forma verborum conuenire. Et in hac controversia optimum esset retinere verba **(N)** Pauli : Panis, quem frangimus, κοινωνία ἐστι τὸ σῶμα τοῦ: Et copiose de fructu Coenæ dicendum est, ut inuitentur homines ad amorem huius pignoris, & crebrum usum : Et vocabulum κοινωνία declarandum est, Non dicit **(O)** mutari naturam panis, ut Papistæ dicunt : Non dicit ut **(P)** Bre-menses : Panem esse substantiale corpus Christi : Non dicit ut Heshusius, Panem esse verum corpus Christi: sed esse κοινωνίαν, id est, hoc quo fit consociatio cum corpore **(Q)** Christi, quæ fit in usu, & **(R)** quidem non sine cogitatione, ut cum Mures panem rodunt,

SCHOLIA.

(M) FORMA VERBORVM) Nouum & hoc genus concordiæ, de formaverborū conuenire, ut omnibus de re nondum conueniat, donec & hoc perficiatur, & obtineat error.

Aut veteris illius Arianae similem concordiam esse volunt, qua inita simili forma verborum, Ariana pars pulchre imponebat parti Orthodoxæ : Et erant nouissima peiora prioribus.

(N) VERBA PAVLI.) Cur non etiam
Christi? Quia fucum abstergunt, dolum minus ad-
mittunt, sophisma detegunt.

(O) NON DICIT MVTARI naturam panis.)
Nec verborum naturam dicit mutari, & corpus mentiri,
quod nimis violenta interpretatione, vos dicitis.

(P) NON DICIT ut Bremenses.) Cur his
non accenset Lutherum? etiam Confessionem Augu-
stanam, Apologiam, Schmalchaldicos Articulos? Atta-
men nec Bremenses, nec Heshusius, nec Augustana Cō-
fessio, Apologia, nec Schmalchaldici articuli, sed Christus de pane dicit: HOC EST CORPVS MEVM,
non fantasticum, non figuratum, sed substantiale, verū,
quod pro nobis traditum est. Nouum & hoc genus im-
pudentiæ est, Christi verba, cum eiusdem hac interpre-
tatione repudiare, subsannare, ex Ecclesia ejcere. Incre-
pet in te Dominus Satan.

Lutherus vltima confessione sua dicit: Panem esse
corpus Christi, naturale, verum: Et Schmalchaldici
articuli, quib. ipse subscripsit Philippus, dicunt esse ve-
rum corpus Christi. Augustana Confessio, Apologia,
quas & aliorum nomine ipse scripsit, dicunt de præsentia
corporali, vera, substanciali, veri & viui corporis Christi:
Cur non & hōs nominatim recenset, quos vere per-
stringit, & rejicit omnes? Quia non expedit causæ, quam
tuetur.

Nec videt hominis vigilantia, se Paulum, quem
arripit, Christo interea etiam contrarium facere, non in-
ter-

terpretando per Paulum Christi verba, dum abijcit, sed
verbis Christi verba Pauli re vera opponendo.

(Q) CVM CORPORE CHRISTI Ergo
corpus Christi etiam adest, secundum verba Christi:
Hoc est corpus meum. Cui nunc magis habēda est fides,
Christo ne, an Philippo? fingenti sua interpretatione,
abesse corpus: Quam falsō affingit A postolo interpreta-
tionem, nusq; hoc dicenti, aut alioqui neganti veram ve-
ri corporis præsentiam, quin astruenti, siue verba spe-
tētes, siue consequentiam: Verba dico, quib. repetit ipsa
Christi verba, dicentis de pane: Hoc est corpus meum:
Consequentiam dico, qua ratiocinamur ex ipso hoc di-
cto: Panis quem frangimus, est communicatio corporis
Christi.

Ergo corpus Christi adest cum pane.

Et ex altero dicto: Qui panem hunc manducat
indigne, reus fit corporis Christi.

Ergo cum pane manducat corpus Christi, siue di-
gne, siue indigne.

Quæ vero consequentia fuerit, secundum Philip-
pum & Caluinum? Panis quem frangimus, est com-
municatio corporis Christi. Qui manducat panem
hunc indigne, reus fit corporis Christi. Ergo corpus
Christi non adest cum pane.

Concludo igitur, si nec verba, nec consequentiæ
verborū loquentium de Coena aliud cogunt, necesse esse
ipsa verba institutionis Christi propriè accipi, nec homi-

B. nis,

nis, nec angeli vel authoritate, vel aliunde accersitis rationib., licere in aliud transformari, diuersum præsertim & contrarium: ut quod Christus dicit: Panem esse corpus suum, ipsi contrà dicant, nequaq; esse eius corpus.

(R) IN VSV) Quem h̄ic pungit Philippus? Solos ne Papistas, & paucos quosdam alios, & non vniuersas nostras ecclesias? Quib, sciens facit iniuriam.

T E X T V S.

ACerrime pugnant Papistæ, & eorum (S) similes, vt dicatur corpus Christi extra lumptionem inclusum esse specieb. panis, aut pani: Et postulant adorationem, sicut Morlinus (T) Brunsuigæ dixit. **Du must nicht sagen Num Num/ Sondern du must sagen was dieses ist/ das der Priester inn der Hand hat.** Sarcerius iubet delapsas particulas colligi, & erasa terra comburi. Cum VVormatiæ essemus ante biennium, quæstio ad nos mittebatur ex aula quadam: An corpus Christi descendat in ventrem, (V) Talib. prodigiosis quæstionib. reiectis, utilius est retineri formam verborum (X) et de fructu recte doceri homines.

S C H O L I A.

(S) EORVM SIMILES) Similiter & h̄ic sciens facit iniuriam nostris, de inclusione, & est verus Sycophantæ.

(T) MORLINVS) En tibi Morline: En Sarceri, idolatræ. Neuter vero Sacramentum extra vsum constituit,

constituit, aut corpus Christi pani veluti carceri inclu-
dit. Morlinus tantum Metonymiam & tergiuersatio-
nem Cinglianorum Tropistarum taxat. Sarcerius spe-
ctat irreligiosam tractationem: Vbi hic tuus iterum
candor Philippe?

(V) IN VENTREM Quid nobis cum inep-
tijs aliquorum, si non sit iniuria quoq; ei de quo narra-
tur? Viderint autem Cingliani, quas non dico quæstio-
nes, sed egfestiones, & nefandas blasphemias, ceu venena-
tæ araneæ ex verbis oris Christi fuxerint ipsi, & vo-
muerint in authorem verborum, Christum.

(X) FORMAM VERBORVM PAVLI
Christus forma suorum verborum author prodigiosa-
rum quæstionum. Ecce huius blasphemiae exem-
plum ex ipso Philippo.

T E X T V S.

P Otest inspici forma (Y) verborum Cœnæ in examin^e
(Z) Megalburgensi, ybi et commonefactio est de fru-
etu Cœnæ. Adeſt filius Dei in ministerio Euangeliij,
& ibi certò est efficax in credentib. Ac adeſt non propter
(A) panem, sed propter hominem, ſicut inquit: Manete
in me, & ego in vobis. Item, Ego sum in patre meo, &
vos in me, & ego in vobis. Et in his veris consolationib.
facit nos ſibi membra, (A) & testatur ſe corpora noſtra
viuificaturum eſſe. Sic declarant Veteres (C) Cœ-
nam Domini.

S C H O L I A.

(Y) FORMA VERBORVM) Vult Ecelesiam Christi abducere à forma verborū Christi, ad suam formam: Quæ ista audacia, & Diabolica superbia?

(Z) IN EXAMINE) Latent ipso monitore, Christiane lector, in eius quibusdam scriptis, discrepancia à communī consensu doctrinæ Augustanæ Confessionis, in nostris Ecclesijs. Quam discrepantiam ut hīc de Coena, ita alibi de alijs, in posteriorib. præsertim scriptis paulatim ipse prodidit. Vide ergo lector, quid legas, & accipias, & vide fidem.

(A) PROPTER PANEM) Wie giftig vnd hänisch. Adest non propter panem, sed cum pane propter hominem: Et vero suo corpore adest, aut prorsus nō adest. Wie gefelt euch das? De quo Lutherus, & nos, si cogitis, alibi.

(B) FACIT NOS Sibi membra) Spiritualiter, non etiam corporaliter, vt sint omnia tantum spiritualia: Mirum q̄ non ipsi etiam Christo spirituale corpus attribuunt, hoc est, nō naturale, verum, et nobis corpora spiritualia, non etiam naturalia in resurrectione mortuorū, ad quam corpora nostra, carne Christi viuificari in Coena, Patres dicunt.

(C) VETERES) Quod Patrum sententiæ ostendunt scz. collectæ & editæ ab ipso Philippo, eodem post exhibitam Augustæ Principum Cōfessionē, anno 1530. ad declarandam aut testificandam Cōfessionis eius sententiam, iterumq; edendæ. Vide q̄; hīc etiam in Patres iniurius sit, & sibi contrarius.

TEX-

T E X T V S.

Sed hanc veram & simplicem doctrinam de fructu, nō minant quidam (D) cothurnos: Et postulant dici, an sit corpus (E) in pane, aut specieb. panis: Quasi vero Sacramentum propter (F) panem, & illam Papisticam adorationem institutum sit. Postea fingunt quomodo includant (G) pani: Alij conuersionem, alijs transsubstantiationem, alijs (H) ubiquitatem excogitarunt. Hæc (I) portentosa omnia ignota sunt eruditæ vetustati.

S C H O L I A.

(D) **COTHVRNOS**) Vere cothurnos, q̄ vtricq; parti in hac parte cōgruunt, de præsentia personæ Christi, Dei & hominis, efficacis per verbum, Sacra menta & fidem: Peiores cothurnis, q̄ planè comparati sunt ad decipiendum, in altera parte, de præsentia ipsius etiam veri corporis efficacis in Cœna, siuc per Cœnam.

(E) **CORPVS IN PANE**) Quin panem ipsum esse corpus Christi, secundum verba Christi: Hoc est corpus meum: Species panis nihil ad nos.

(F) **PROPTER PANEM**) Iterum dico: Non propter panem, sed cū pane, in pane, propter hominem.

(G) **QVOMODO INCLVDANT PANI**) Faceſſant hīc qui nugas traſtant: Ab alijs absint petulantes calumniae. Nos simplici fide verbis Christi acquiescimus: Et vt rumpantur Cingiani, corpus Christi non solum cum pane, in pane, sub pane, sed panem ipsum esse Christi corpus, prædicatione identica, (ſalua vtriusq; ſubſtantia) cum Christo & Paulo planè adſetimus. Mo-

dum ut in alijs similib. fidei prædicationib. nec inuestigamus, nec inuestigandum esse dicimus: Ne Capernatarum Cinglianorum, & Hæreticorum similes fiamus, ridentium cum Cinglianis: Quomodo hic potest suam nobis carnem manducandam dare? Quomodo etiam potest Pater, Filius & Spiritus S. vnuſ esse Deus? Deus & homo vnuſ esse Christus? &c.

(H) VBIQUITATEM) Aliud est corpus Christi vbiq; esse in Coena, aliud est extra Coenam esse vbiq;.

(I) PORTENTOSA) Bona verba, **I**n heiligen leute/ seid dem armen Schächer Christo gnedig/ nec portenta facite, quæ vos ex verbis eius hinc planè intelligitis,

TEXTVS.

Negat Heshusius se adsentiri (K) Origeni, qui nominat panē & vinū ισύμεολα τῷ σώματος ἡ ἀιματος. Reijcit contumelioſe Clementem Alexandrinum: Pronunciabit eodem modo de Augustino, Ambroſio, Proſpero, Dionyſio, Tertulliano, Beda, Basilio, Nazianzeno, qui nominat ἀντίτυπον σῶμα: Theodoreto, qui ait de pane φύσιν & μεταβεάλλων.

SCHOOLIA.

(K) ORIGENI.) Adducit phalangem antiquis. & eruditissimorum Patrum, quos proficitat, & verba quædam annotat. Quid si autem illis, yti Paulo.

Paulo, faciat? Tam profecto suam sententiam his
ipsis verbis Origenis, Nazianzeni, Theodorei non pro-
bauerit, q; Pauli verbis nunq; probabit, aduersus Christi
verba. Nam quæ consequentia est ex Pauli verbis?

Panis est communicatio corporis Christi.

Ergo corpus Christi non adest.

Eadem propemodum & hæc ex Origene est.

Panis & Vinum sunt symbola corporis & sanguini-
nis Christi.

Ergo corpus Christi non adest.

Nos non absimili prorsus forma, Sacramentum
corporis & sanguinis Christi, cum vera eius præsentia,
vfitate adhuc dicimus: Et ἀντίτυπον σώμα, corpus ex-
emplare, eādem nobiscum sententia ex Nazianzeno dici
potest, tametsi non est, quòd plures loquendi improprie-
ties admittamus.

Panis naturam non mutari, nihil nobis in Theodo-
reto pugnat, mirabilem vunionem corporis & panis,
salua vtriusq; substantia, aduersus Papistas & Tropi-
stas magis confirmat.

Longe igitur alia tum testimonia, tum ar-
gumenta requiruntur, vt ipsos hosce Patres nobis
adhuc Cinglianos faciat, etsi sua quidam

incommode dicta habent : Quæ reiwcere Heshusio
hic piaculum est, Philippo non est, Christiverba reiwcere.
Nec tanta est Philippo authoritas horum ipsorum Pa-
trum, ut ipse eis assentiatur in omnib. Quod ipsi ergo
licitum hic est, alijs ex eadem causa, flagitium esse non
potest.

Sed vti dictum est, nondum finimus hos ipsos Pa-
tres nobis facere Cinglianos : Berengarium ipsis Patrem
damus. Hos nostros esse volumus (et si fidem in ipsis non
ponimus) q; diu non euicerint Cingiani, euidentiorib.
testimonijs & argumentis, esse suos. Nos ex ipsis, illis,
alijsq; vetustissimis, Iustino, Ignatio, Irenæo, Cypriano
& eorum similib., testimonia in promptu habemus, no-
biscū congruentia, de substantia et efficacia huius Sacra-
menti, quæ nō est huius loci, aut instituti iam enumerare.

Atqui congruentiæ huic & sententiæ, Augustanæ
etiam Confessionis propriæ, testimonium reddunt prius
nominatæ Patrum Sententiæ, collectæ à Philippo & edi-
tæ, & scripta per ipsum Apologia Augustanæ Cofessio-
nis : In qua leguntur articulo decimo ipsa hæc verba.

Comperimus non tantum Rom. Ecclesiam affir-
mare CORPORALEM PRAESENTIAM Christi,
sed idem & nunc sentire, & olim sensisse Græcam Eccle-
siam, ut testatur Canon Missæ apud Græcos. Et addi-
tur testimonium ex Cyrillo :

Non negamus recta nos fide charitateq; syncera,
Christo SPIRITUALITER coniungi. Sed nullam nor-
bis cōiunctionis rationem secundū CARNEM cum il-
lo esse, id profecto pernegamus, & á diuinis scripturis
omnino

omnino alienum dicimus. Et mox: Omnes uno pane
participamus: An fortasse putas ignotam nobis mysti-
cae benedictionis virtutem esse? Quæ cum in nobis fit,
nonne CORPORALITER quoq; facit, communica-
tione carnis Christi, Christum in nobis habitare? Item
considerandum inde est, NON HABITVDINE so-
lum, quæ per charitatem intelligitur, Christum in nobis
esse, verum etiam PARTICIPATIONE NATV-
RALI &c. Hæc Cyrillus.

Quid clarius etiam Vulgarij illo, aduersus ipsos
Cinglianos, vel dici, vel cogitari potest? οὐ γάρ ἐπειπτεῖ,
τὸ τοῦ σύμβολον ἀλλα τὸ μὲν τὸ σῶμα, δὲ ικτίκως,
ἵνα μὴ νομίσκετις τόπον ἐΐναι τὰ φανέμενα. Hoc est:
Non dixit Christus, hoc est symbolum, sed hoc est cor-
pus meum, demonstratiue, ne quis putaret, ea quæ cer-
nuntur, typum esse.

Quid item clarius Iustini illo, & Irenæi, qui tempo-
rib. Apostolorū proximi fuerunt? Iustinus Apolog. 2.
Non ut vulgarem panem, & vulgare poculum hæc su-
mimus, sed quemadmodum per verbum Dei caro factus
Iesus Christus, seruator noster, carnem et sanguinem pro
salute nostra habuit: Sic etiam per verbum precationis
& gratiarum actionis sacram ab ipso alimoniam, quæ
mutata nutrit nostras carnes & sanguinem, illius incar-
nati IESV CARNEM & sanguinem esse didicimus.

Et Irenæus lib. 5. Quando & mixtus calix, & san-
ctus panis percipit verbum Dei, fit Eucharistia COR-
PORIS & sanguinis Christi, ex quib. augetur & consi-
tit CARNIS NOSTRAE substantia.

C

Quod

Quod de mutatione, panis scz & vini Iustinus dicit, non dicit vt Papistæ, de transubstantiatione: Nec de ventris alimonia dicitur, vt Cingiani calumniantur & blasphemant, quod vterq; dicit de nutritione carnis nostræ, per corpus & sanguinem Christi in Eucharistia: Sed ita dicitur, vt discernatur hæc esca & poculum hoc ab alijs visitatis escis & poculis: Nutritio hæc, qua viuiscatur, augmentatur non tantum anima nostra, sed etiam corpus, ad vitam spiritualem & æternam, discernatur à nutritione Physica, quæ est ad vitam hanc corporalem & animalem.

Itaq; Cingiani, vt non recte loquuntur ac sentiunt de substantia Cœnæ, ita nec satis de efficacia loqui possunt, vt Patres ex verbis Christi & Apostoli egregie locuti sunt

Nec sinas tibi, Christiane lector, citatis nominib. & dictis. Patrum hinc statim imponi: Et ut illis, ita ipsi nunc etiam Augustanæ Confessioni, contra suam ipso-rum conscientiam, communem hominum intelligētiā, mirabili impudentia, Cinglianam sententiam à quibus-dam affingi, aut parum cauto etiam ingeri.

T E X T V S.

QVAE est igitur tanta authoritas (L) Heshusij, vt ipsi potius assentiamur, q; tot probatis veterib. Scriptorib. qui perspicue testantur tunc Ecclesiam non habuisse Pontificium dogma, (M) & adorationem: Quæ si noua (N) sunt in Ecclesia cogitandum est an recentiorib. licuerit nouum dogma inuehere in Ecclesiam. Nec ego ignoro, multa citari notha (O) veterum titulis, de quib: eruditæ iudicent. Autho-

S C H O L I A.

(L) AVTHORITAS HESHVSII.) Non Heshusij, sed Christi ea est authoritas, vt ipsi potius, q; Patrib. & Philippo assentiamur. An Patres dissenserint, adhuc sub iudice lis est. Philippus se fatetur dissētire, reiectis Christi verbis & interpretatione: Necessario ergo ab ipso rursus nos dissentimus.

(M) PONTIFICIVM DOGMA) Nouit ipse nos abhorrere animis & sententijs à Papisticis idolomanis in hoc Sacramēto, & tamen audet passim impingere, easdem ipsas confirmari à nobis. Nam hæc ei firma quædam ratiocinatio videtur, ad nos insectandos, quam mihi aliquando, exuli ab hac mea Ecclesia in mensa obijciebat, & tribuebat Pflugio: Ad quid esset in manib. aiebat (ex sententia Pflugij, vel potius sua) nisi vt offeratur, adoretur &c? Cui cum ego simplici animo ex verbis Christi responderem, nihil etiam suspicans malis: Ad hoc esse in manib. vt edatur, & bibatur, subiratus ille vicissim respondebat: Non sic refutantur Papistæ: Transsubstantiatio & confubstantiatio (hac nostros notabat scz) Ist eine wie die ander. Testor Deum, q; vera hæc narro.

(N) NOVA) Transsubstantiationē, adorationē Papistica, tropologizationē Cinglianam, vtramq; ad suos siue veteres, siue nouitios reijcimus authores: Unionis Sacramentalis, seruata vtriusq;, panis & corporis Christi substantia & p̄sentia, ad commendandam eius antiquitatem, vltiori principio, q; Christi institutione, & declaratione Apostoli, alio non egemus.

(O) NOTHA) Non nothis & adulterinis, sed
genuinis & veris Christi & Pauli testimonij necessitate ha-
benuis rem iudicare, quib. nititur in hac causa, tota nostra
fides. Habent postea suum etiam locum probatæ anti-
quitatis indubitata testimonia, quæ minime aspernamur.

T E X T V S.

NEc vero iam institui longam disputationem: Nec
cum (P) contentiosis, qui idola & (Q) parricidia
stabilient, disputare volo, quorum fauiciam (R) & ego
exerior: Sed tantum pro meo iudicio significare volui,
quid in illo loco pro infirmitate teneræ Ecclesiæ facien-
dum esse existimem: Ac maneo(R) in hac sententia, con-
tentiones vtrinq; (T) prohibendas esse, & forma(V) ver-
borum vna & simili vtendum esse. Si quib. hæc non
(X) placent, nec volunt ad (Y) communionem accedere,
his permittatur vt suo iudicio vtantur, modo non faciant
distractiones (Z) in populo. Oro autem filium Dei
Dominum nostrum Iesum Christum, sedentem ad dex-
tram æterni Patris, & colligentem æternam Ecclesiam
voce Euangeli, vt nos doceat, (A) gubernet & prote-
gal. Opto etiam vt aliquando in pia Synodo
de omnib. controversijs horum temporum
deliberetur. (B)

Ex autographo. (C)

SCHO-

S C H O L I A.

(P) NEC CVM CONTENTIOSIS) Sed cum
pedaneis, qui pedib. in sententiam eant: Dictorum cau-
fas & fundamenta non quærant, aut subito cedant, eo fo-
lo contenti, q Philippus dicit, qui vt alter Papa, errare
non possit: Tales hīc vult disputatores Philippus.

(Q) QVI IDOLA ET PARRICIDIA stabiliunt
Obserua, Christum hīc esse, qui idola & parricidia sta-
biliat: Ipse .n. ille est, qui de pane sacræ suæ Cœnæ ait:
HOC EST CORPVS MEVM: Vultq; hoc ita doce-
ri, credi & seruari in Ecclesia, donec venerit. Quo vultu
credis, aspiciet Philippū in altero aduentu suo, nisi ege-
rit pœnitentiam Philippus? Atqui contrā nos dicimus,
Philippum stabilire ipsum idola & parricidia. Idolum
stabilit sua doctrina, qua humanae rationis somnia, sine
verbo, & contra Christi verba hīc vult adorari. Parrici-
dium stabilit violentis & crudelibus suis consilijs, quibus
ejci pios doctores, defensores veritatis iubet, ijsq; ma-
trem ecclesiam interficit.

(R) SAEVICIAM) AEgre fert raptor rapi-
nam eripi è manib., queritur iniustiam & saeuiciam.

(S) MANEO IN SENTENTIA) Audis ad-
huc stabiliri idola & parricidia.

(T) CONTENTIONES ESSE prohibendas)
Iuxta dicta. Posui inimicitias: Clama, ne cesses: Argue,
increpa, opportune, importune: Spiritus S. arguet
mundum. Et q Prophetæ, Christus, Apostoli in te-

heris Ecclesijs non contenderunt scz, cum Pseudoprophetis & Pseudoapostolis suis, sed ad omnia connuerūt. Hæc via, hæc ratio nunc, conseruandi & propagandi veritatem & ecclesiam.

(V) FORMA VERBORVM VNA) Philippi scz in Examine Megalburgen. Iuxta illud Apostoli:
Vποτυπωσιν ἐχε οὐγιανόντων λόγων ὡν παρέεμόντες
Retine formam sanorum verborum, quæ audisti ex me:
Vel ipsam Pauli formam retineamus, explosa Christi, ut
locum habeat Cingliana interpretatio.

(X) QVIB. HAEC NON PLACENT) Ec-
quid placerent, quæ Christo non placent? quæ Christū
contumelia afficiunt, ex sua ipsum Ecclesia exturbant.

(Y) AD COMMVNIONEM ACCEDERE) Nolumus nobis esse communionē cum Cinglianis, quæ ipſi nobiscum esse vellent, modo si taceremus: Sed neutrum possumus, propter mandatū Dei: Ut de communione: Ne ducatis iugum cum incredulis: Quod n. consortium iustitiae cum iniustitia? Quæ communio luci cum tenebris? Et de silentio: Clama, necesses, ut superius. Psalmus etiam ait: Credidi, propter quod locutus sum: Ego autem humiliatus sum nimis. Ceterum illud humiliari, multos iam terret, ut ad omnia silent, scientes & volentes opprimi veritatem (quantum in ipsis est) ociosi spectatores sinant, qui clamorib. tempa, libris orbem alias etiam complent, Deo rationem desperationis huius reddituri.

NON

(Z) NON FACIANT DISTRACTIONES!
Audi de hoc Christum dicentem: Putatis, quia pacem
veni mittere in terrā? Non pacem, sed separationem etc.
Et ignem veni accendere: Quām velim ut ardeat.

(A) VT DOCEAT) Docet nos verbo: Quid
est ergo petere doceri, & nolle obtemperare?

(B) DELIBERETVR IN PIA SYNODO)
Idem nos optauimus semper, cōcedimus & optamus pa-
res etiam esse vtrinq; cōditiones, ne detrimētum patiatur
veritas. Quam ipsi nobis dare vellent Synodus Cingli-
ani & Adiaphoristæ, vereor ne Papisticæ multum absi-
milis foret.

(C) EX AVTOGRAPHO) Ne dubites de fide:
Quam si quis in dubium vocet, primi authores huius edi-
tionis pro authoritate adstruent.

C O N C L V S I O.

INVC credule, quisquis es, crede & excusa Philippū
non esse Caluinianum: Sorex suo se indicio prodi-
dit: Audiuiimus testimonium ex ore ipsius, quid amplius
desyderamus? Ut nō sit necesse Caluino iam credere, aut
alijs quibuscunq;, credamus ipsi,

Etsi vero & Caluinus scripsit superioribus annis,
Philippum à se totis amplius septemdecim annis nusq; in
hac causa dissensisse, ac planè cōsensisse aduersus Luthe-
rum, & ipse iam hīc suo testimonio, ut prius silentio, plus
satis confirmat, adeo sunt tamen inani prosopopolipsia

excoecati multi, ut vixdum etiam credituri sint, videntes
videre adhuc fortè noluerint, ut Christus ex Propheta
ait, ac triste hoc talib. iudicium denunciat: Ne conuer-
tantur, & sanem eos.

Tu vero lector studiose veritatis & Augustanæ
Confessionis, caue tibi in timore Dei & inuocatione, ab
huiuscemodi deprauationib. & occultis insidijs, quib. nec
aperte, nec candide à multis iam annis coepta est deprauari,
& in alienum sensum detorqueri doctrina Confes-
sionis nostræ, vt h̄c de Coena, ita alibi in alijs, de quibus
alibi monitus es. Et ex uno hoc æstima reliqua illa
nostra certamina, quæ pro veritate Augustanæ Confes-
sionis audisti à nobis fuisse suscepta, aduersus etiam internos
illos hostes ac deprauatores: In quib. vniuersis ac
singulis certaminib., vt prius Lutherum habuimus Pro-
tagonistam ex verbo Dei, ita sumus nos tanto nunc qui-
dem & tutius, & alacrius eiusdem quasi θευτεραγωνιστοί.

Nec dubito ego quidē, quin posita Prosopopolisia,
positis aduersariorum donis, blanditijsq; humanæ ratio-
nis, quæ iudicium impediunt, si ad fontes respicietur, ad
legem & ad testimonium, ut Propheta loquitur, iudica-
turi sint tandem multi pro nobis, vieti veritate verbi Dei,
ac planè intellecturi, necessaria fuisse & esse nostra hæc
certamina: Quæ & multo nobis labore, molestia, inui-
dia, multis deniq; periculis constant, nec nulla prorsus
utilitate tua, Christiane lector, vt inimicus esse non que-
as propterea, aut certe debeas. Si quis autem inimicus
est, nos sumus iam adfueti talib. inimicijs, & pro causa
Dei libenter ferimus, parati & alia ferre, si Dominus vo-
luerit. Atq; ipsi si uiderint inimici nostri, quid oderint, quid
& quem persecuti in nobis fuerint,

Ad

Ad Philippum quod attinet, nemo existimet adeo nos esse vel iniustos, vel iniquos, vt odio viri, aut alijs quibuscunq; de causis, salutares eius operas multas velimus esse oppressas, aut spretas in Ecclesia, quas & magnificamus ipſi, & ſ. 10 loco haberit ab omnib. cupimus, perpetuoq; seruire ad docendas ecclesiias, & refutandos aduersarios: Tantum vero næuos indicamus, quos aliquāto iam tempore ab alijs contraxit, nescio quibus, verum iubemus á falso diſcernere, & libros quos edidit post mortem Lutheri, præſertim cum iudicio & delectu legere, priorum in quibusdam diſsimiles.

Sicubi etiam vehementiores fuimus, hoc vnum ſpectauimus, vt cum ipſi Philippo, tum alijs complurib. ex ipſo magis q; ex Deo pendentib., renitentibus insuper Deo & verbo, magis q; humanæ infirmitatis, aut alterius caufæ præ extu poſſit excusari, iuſtitiam hanc Dei oſtenderemus: Non eſſe apud eum vlliſſ personæ respectum, ad docendam, regēdam, ſeruandam ſuam eccleſiam, quin veritati verbi omnia eſſe poſtponenda, iuxta illud Apoſtoli: Si ego, aut angelus de cœlo prædicauerit aliud, q; nos prædicauimus, & vos accepistis, anathema ſit: Et Christus dicit, non debere apicem perire ſuorum verborum, potiusq; transiturum cœlum & terram.

Qua ex cauſa nec mortuo iam ita parcere quidem omnino poſſumus Philippo, vt veritatis defenſionem aduersus ipsum intermittamus, cogentib. ſic etiam patrocinatoribus eius & aſſeclis, cum oppreſſione veritatis: Quam ita tamē etiam moderabimur ipsam defenſionem, vt boni intelligent, de reb. nobis eſſe negocium, non de personis.

Vt autem plusculum aliquid mali ex cauſa hac Cœnæ redundantuerit in Eccleſiam, quod & ſupra ominatur

D Philip-

Philip., & ego vereor, viderit ipse Phil. eiusq; adiuncti, qui
damnatum, & ex nostris Ecclesijs dudum profligatum
errorem Berengarij & Cinglij; in summa inuehunt, &
apud alios confirmant. Nos ut veritatis patrocinium
abijcere propterea nec possumus, nec debemus, non ali-
ter tamen q; nos decet, illud vnq; agemus, attestando ve-
ritatem aris atura verbi Dei, proq; ea patiendo, quæ Do-
minus voluerit, & vt gratiam dederit. Interea Deum
Patrē Domini nostri Iesu Christi toto pectore oramus,
ne quod merentur nostra peccata, accensam verbi sui lu-
cem sinat inter nos penitus extingui, cum in hoc, tum in
alijs doctrinæ articulis : Et vt plurimi rursus discedant,
vt Tribus Israel olim discedebat, & solus Iuda vix perfe-
uerebat, ipfesib; pro immensa bonitate reliquias inter nos
etiam seruet, nosq; regat, & defendat: Quod vnâ nobis-
cum ardentib. votis pij omnes contendant: Quoniam
dies mali sunt.

NIC. GALLVS.

LVTHE.

LVTHERVSQVE

DAM DICTA, AD COMMONEFA-
ciendum lectorem & confirmandum iudicium, aduersus
consilium & sententiam Philippi.

GEN. 6.

DIXIT DOMINVS: NON IVDI-
CABIT SPIRITVS MEVS IN HOMINE
PERPETVO: QVIA CARO EST.

Lutherus.

SVmma hæc poena est, quam hoc loco Dominus per
Sos Sanctorum Patriarcharum minatur, q̄ non sit iu-
dicaturus amplius per Spiritū suum homines, hoc est,
q̄ cum frustra sit omnis doctrina, nolit posthac verbum
suum hominib. dare.

Hanc poenam etiam nostra tempora Germaniæ ad-
ducent. Videmus .n q̄; festinet Satan, q̄; sit inquietus &
omnia tentet, quib. verbum Dei potest impedire. Quan-
tum Sectarum excitauit nobis viuentib., & omni studio
in id incumbentib. vt puritas doctrinæ retineatur? Quid
futurum est nobis mortuis? Profecto tota agmina Sacra-
mentariorum, Anabaptistarum, Antinomorum, Serue-
tianorum, Campanistarum, & aliorum Hereticorum
producet, qui nūc victi puritate verbi, & assiduitate pio-
rum Doctorum, latent, in omnes occasiones stabilien-
dorum suorum dogmatum intenti. Ergo qui verbum
purum habent, discant id amplecti, & pro eo agere Do-
mino gratias, & quærant Dominum, dum potest inueni-
ri &c. Et paulo pōst.

Vocabulū hoc, Iudicare, proprie pertinet ad mini-

steriū, & id quodāmodo pingit. OMNIS. N. PRAE-DICATOR SEV VERBI MINISTER, EST VIR-
rixarū & iudicij, ac cogitur ex officio reprehendere, quic-
quid virtiosum est, nō habita ratione vel personæ, vel offi-
cij in auditorib. Hoc cum Ieremias sedulo facit, nō solum
odium, sed etiam pericula grauiissima sustinet. Mouetur
igitur ipse quoq; ad impatientiam, vt optet se nunq; esse
natum.

ANNOTATIO.

HIS pulchre congruit iudicium Philippis, iubentis
rixantes pro cōseruatione veritatis pios Doctores,
aut mutos esse canes, aut exules à suis Ecclesijs.

Ac sentiunt quidem homines carnales, politici &
hypocritæ, delicati nostri sancti et martyres, vt vulgo lo-
quimur, eum esse optimum statum, Euangelium habere,
& saluos fieri, vt nemo rixetur, nemo iudicet, nemo ar-
guat. Sed ea est ipsiss. poena, quam hoc loco minatur Do-
minus, quando desinit arguere, & Philippus hic vehe-
menter suadet, iubet ac docet accersere. Nos autem
meminerimus regulam, ex hoc loco Genesis, q; qui mini-
sterium verbi Dei volunt habere sine iudicio, sine rixis,
sine contentione, aut nullum prorsus habebunt, aut in-
sincerum, aut infructuosum.

LTHERVS VLTIMA CONFESSIO- ne sua contra Sacramentarios.

Marpurgi in Colloquio cedebant tantum, et largie-
bantur, nō mera esse symbola panis & vini in Cœ-
na, quod summa contentione ad id vsq; tempus contem-
derant, sed corpus & sanguinem Christi etiam ipsum ad-
esse, SPIRITALITER VCZ, NON ITEM COR-
PORALITER. Ac ne hoc quidem eos subleuabat
quicq;

quicq;. Nam spiritualis manducatio tantum est creden-
tium, iustificatorū sanctificatorum: Paulus vero vtrosq;
dicit participare corpori & sanguini Christi, dignos iuxta
ac indignos. i. Cor. ii.

ANNOTATIO.

Memorabilis sentētia, digna obseruatione, propter recentiores iam Cinglianos, qui rudiorib. imponunt hac ambiguitate: Corpus & sanguinem Christi vere adesse in Cœna, nequaq; abesse. Si spectes interpretationem, idem ipsis est, quod hoc loco dicitur, adesse spiritualiter, non etiam corporaliter, secundum virtutem, non secundum substantiam. Atq; eadem hæc ipsis. Philippi sententia est in toto hoc scripto.

Sunt qui Acta huius Colloquiū pro transactione citant, & consensione, q; Lutherō conuenerit cum Cinglianis, ad eam Confessionem ipsorum. Hæc q; sit vanissima gloriatio, ex ipsis met verbis h̄c clare intelligis.

EX EADEM CONFESSiONE aliquanto p̄st.

Eodem numero omnes censeo, quicunq; sunt, qui non credunt, Dominicum Panem in sacra Cœna, non esse verum & naturale eius corpus, quod Iudas atq; impius perinde accipiat, ac Peter illud accipit, & accipit quisq; pius. Hec qui non credit, missum me faciat, nec consensionem, amicitiam, aut commercia inter nos speret.

ANNOTATIO.

Prodest hoc dictum, perspicue & grauiter vrgens Christi verba & interpretationem, de vera veri corporis

D 3 eius

eius præsentia, contra Philippum. Quod Philippus ergo Bremenses & Heshusium subsannat hoc loco, ac reiecit, in primis subsannat ac reiecit Christum, & nostro iam tempore Lutherum.

Prodest deinde ipsum hoc dictum, ad erudiendos & monendos pios, quid faciendū sit de societate cum Cinglianis, præfertim obstinatis & pertinacib.

RVRSVS IN EADEM CONFES- sione, sub initium.

PRæter reliquos (memoratos scz nouos Spiritus) singularis quidē oberrabat Sanctus Spiritus (Diabolus .n. sanctus est, & magnus Spiritus) Ille aiebat: non esse hoc loco articulum fidei, nec contendendum esse propterea, non referre, quid quis credat. Spiritus hic sanctus nuper mihi videtur essa natus Patre Spiritu Sancto ipsius Stenckfeldij. Pulchre .n. seruat Regulam Stenckfeldij, (paulo antè à Luthero recitamat: Remouenda è conspectu essa verba Christi, q̄ sensum spiritualem impedian) Atq; ipsa Christi verba non solum eripit è conspectu, sed & retrò abiecit, cumq; eis fidē simul & reliqua, cassæ nuncis instar, nec aliud ex eis facit.

ANNOTATIO.

Hoc dictum recenseo propterea, ut intelligas lector, fuisse etiam prius qui censuerint & suaserint, quod Philippus h̄c censet, verba Christi ex oculis esse remouenda, aut sepelienda.

Recenseo etiam ut cōmonefaciam de incertitudine doctrinæ Sacramentariorū, q; ipsi nunq; cōuenerint inter se ipsi, de vna aliqua certa sententia in hoc articulo, vt multas eorum opiniones & diuersas, ibidē ordine recensit Lutherus.

Ite m

ITEM SVB FINEM CONFESSIONIS.

Simili ratione Sectarios non iuuabit, q; multa garriunt de spirituali mādicatione corporis & sanguinis Christi in Cœna, de charitate & vnitate Christianorum inter ipsos: Quæ aliud nihil sunt, q; folia fici, quib. Adam & Heua peccatum & turpitudinem suam celare studebant, & ornare. Nec magis iuuabunt, multi & magni labores ipsorum, quos docendo, scribendo infumperunt, morum grauitas, castimonia vitæ. Quæ gentilib. adhuc communia sunt. Ad hæc frustra est etiam, q; Deum Patrem, filium & Spiritum Sanctum, & Christum saluatorem credunt, frustra, inquam, sunt omnia, cum omnibus insuper alijs articulis, quātumuis recte, citra errorem eos assumunt, vt loquitur Psalmus, per os suum impium & blasphemum: Dum unum hunc articulum negant et impugnant, quo Christus de pane Eucharistiae inquit: ACCIPITE, EDITE, HOC EST CORPVS MEVM, QVOD PRO VOBIS TRADITVR.

ANNOTATIO.

Hæc ipsa iam est recentium Cinglianorum perpetua oratio, cōmendare vsum huius Sacramenti, communicationem spiritualem cum corpore Christi, vnitatem Ecclesiae & concordiam: Discipulorum yna oratio est, & gloriatio, narrare dona magistrorum suorum, merita in Ecclesiam, doctrinæ synceritatem: De quib. hic habes, quid Lutherus respondeat.

F I N I S.

Luc. 24.

Mane nobiscum Domine, quoniam aduerserascit,
& inclinata est dies.



RATISPO^{AE}NAE BONA FIDE RECV.
debat Heinricus Geisler Anno, 1560.
Mense Nouembri.